



## Universitätsbibliothek Paderborn

**Io. Francisci Leonis Eporediensis I. V. D. Episcopi  
Thelesini Thesaurus Fori Ecclesiastici**

**Leoni, Giovanni Francesco**

**Coloniae Agrippinae, 1682**

20 Episcopi propalationum vigore litterarum monitorialium factarum  
causas inferiorum judicum cognoscere non possunt.

**urn:nbn:de:hbz:466:1-10316**

nicationem procedere, nisi forte de proprijs sacerdotis consilio, & rationabili causa hujusmodi perceptio ad tempus dilata sit: & pro satisfactione eleemosynas pio loco assiquandas, pro hujusmodi excommunicatorum emendatione, injungere potest, congreg. concil. super dict. c. 3. §. an adversus.

<sup>17</sup> Excommunicationes † autem, quæ monitoribus præmissis, ad finem revelationis ut ajunt pro desperditis, seu substratis fulminari solent, de quibus per Bart. in const. ad reprimendum in vers. denunciatio, & Neviz. in sylvest. nupt. in vers. 19 monitoria, auctoritate ordinaria à nemine, præterquam ab Episcopis, decerni, & promulgari possunt, & non aliás, quam ex re non vulgari, causaque diligenter, ac magna maturitate per Episcopum examinata, quæ eius animatum moveat, ut in eod. c. 3. §. quapropter, sej. 25.

Appellatione autem Episcopi hoc casu <sup>20</sup> venit etiam Vicarius generalis, qui potest concedere litteras monitoriales, de quibus in eodem cap. 3. ut fuit decisum ab eadem sacra cogreg. sub tit. Senen. & sub titulo Elboren.

Nec Vicarius generalis indiget speciali mandato Episcopi, ut possit decernere hujusmodi litteras, dummodo ipsemet Vicarius cause cognitionem adhibeat, ut ibidem per eandem sacram congregationem, §. ab episcopo. Et est ratio, quia † inter Episcopum, & Vicarium representatur unum, & idem tribunal, & consistorium, c. 2. de consuetud. in 6 c. Romana, de appell. eodem lib. & Rot. decis. 9. de offic. Vicarius in antiqu. Eademque potestas competit capitulo sede Episcopali vacante, ut ibi per eandem congreg. §. an eadem potestas, quia

capitulum sede vacante in jurisdictionibus jure communis spectantibus Episcopo succedit, Abb. in cap. verum numer. 9 de form. comp. & Felya, in cap. eum olim, numer. 3. de major. & obed.

Cœgeri autem Prælati, etiam nullius diœcesis Episcopis inferiores, qui ante concilium Tridentinum monitoria, & illarum vigore excommunications concedebant, jure proprio, aut ex privilegio, vel ex immemorabili confuetudine litteras monitoriales post concilium concedere non possunt.

Idem, qui sunt nullius diœcesis, nec alicui Episcopo, sed immediatè sedi Apostolicae subjecti sunt, ipsam Sedem pro his excommunicationibus in forma: significavit, obtinendis, adire oportet, congreg. concil. in desf. super eodem cap. 3. sub tit. Aquilan. Theatin. & in §. decernetur etiam.

Et, † quando hoc casta litteræ in forma: significavit, Episcopis viciniis committuntur causæ, quæ earum litterarum, & propalationum desuper factarum occasione oriuntur, sunt à propriis judicibus, etiam inferioribus, terminandæ, ut ab eadem congregat, fuit super eod. c. 3. decisum, ut in decis. sub tit. Squillæen. & in §. sed facta relatione.

Et ex his infertur, quod Episcopi, eorumque Vicarij vigore propalationum in exonus conscientiæ à quibusvis prævia litterarum monitorialium publicatione factarum, non possunt causas illas cognoscere, nisi inter subditos suæ ordinariæ jurisdictioni, quod vero ad alios subditos jurisdictioni inferiorum, aut laicali, suis judicibus ordinatis sunt cum propalationibus remittendi, ut contra ipsos via ordinaria,

¶¶ 3 & let.

& servatis fervandis ad executionem realem, vel personalem, prout juris fuerit, procedi possit, ex supra allegatis: quia alias omnis causa, per hanc viam posset deferri ad forum ecclesiasticum, ut post Io. Andr. in c. novit. de jud. animadvertisit. Bart. in const. ad reprimendum, in vers. denunciationem, nu. 9. & Neviz. Sylvest. nupt. in ver. monitoria, lib. 3. num. 51.

21 Concedi † autem possunt litteræ monitoriales pro deperditis, seu substractis bonis, & juribus occultis tantum, non autem pro vulgaribus: quia contra personam certam, quæ rem deperditam invenit, aut alias jura detinet, in foro judiciali via ordinaria est procedendum, ut per Neviz. eadem Syl. nupt. in ver. monitoria, lib. 3. num. 48. Nec concedi possunt monitoriae super capitibus criminosis, aut infamatoriis, ut per eundem Neviz ibi num. 50. & ita servat curia Romana, quicquid contrarium afferant aliqui, quinimò apponitur clausula, quod si ex propalationibus aliquid probari contingeret favore fisci, quod propalationes nullam fidem faciant, & Pius V. in ordinatione super modo expediendi litteras in forma: significavit, ordinavit, ut concedantur ad eorum dum taxat instantiam, quorum civiliter interest, ut in litteris Roma in Cancellaria Apostolica die 27. Iunij 1570. publicatis de quibus in Bull. Rom. cap. 183.

22 Quæritur, † an propalationum vigore possit quis nominatus excommunicari; Et si propalantibus repetitis in forma judiciaria plenè probetur, aliquem rem pro qua monitoriales fuerunt concessæ, detinere, videtur in contumaciam non resipiscens, ut exeat de peccato, & quæ indebet retinet, restituat, quod possit no-

minatum excommunicari, ex traditis per eundem Neviz. in eodem ver. monitorie, numer. 61. Sed hodie ex dispositione facta concil. Trident. non debet quis nominatus excommunicari, nisi prævia diligentia de exequendo realiter, vel personaliter, servata forma ejusdem conc. eodem cap. 3. §. in causis vero.

Quæ procedunt in causis ad forum ecclesiasticum tantum pertinentibus, ut ibidem in causis civilibus ad forum ecclesiasticum, &c. Ideo in causis spectantibus ad forum seculare, non potest quisquam vigore litterarum monitorialium nominatum excommunicari, sed pars actrix judicem secularem cum propalationibus adire debet, qui prout juris fuerit, ad executionem realem, vel personalem, procedat, & non illis omissis, procedere ad excommunicationis sententiam, cuius nulla major pena reperitur in spiritualibus, ut per Abb. in cap. cum dilectus, numer. 6. de hi, quæ vi. met. ve. c. u. cum alijs supra, in princ. allegatis: Ad excommunicationem enim non nisi in subsidium procedi potest, ut in eodem cap. 3. §. quod si executio, sess. 25.

23 Impeditur † etiam cursus dictatum monitorialium pluribus modis.

Primo, quando quis comparet coram Episcopo, vel ejus Vicario, allegans se partem formalem: tunc enim contra partem comparentem procedi non debet: quia si actor habet personam certam, via ordinaria procedere tenetur, & cessat remedium extraordinarium censurarum ex supra allegatis. Ratio enim est, quia actor non debet sumere informationes de domo rei, l. qui accusare, C. de eden, & gloss. in cap. G. perpetuus, in verb. instrumentorum, ver. sed si instru-